

抱
冲
齋
詩
集

抱冲齋詩集卷十

長白 斌良 笠耕

陝豫秉臬集一

七月十八日陳臬西陝曉出阜城門

詔書陳臬入關行玉勒
囊鞬畫錦榮祖餞親朋
頻把酒遠離兄弟
重含情雲橫塞雁秋
原迴柳帶風蟬暮
驛清幾度驅車重
惻脰未瞻

鑿輅叩愚誠

陸辭奉旨不必送駕速赴新任

過宏恩寺

峭壁瞻千仞飛埃隔薜蘿
征程詞客少方外俗人多
檜折枝巢鶴幢敲石繫
麻繭煩攜茗椀禪味悟如何

過涿郡慧雲寺

柳溼疏煙似暮紗
曉鐘催動曙林鴉
磬頭屏障天西面
亭角歧分路幾叉

寺前闕東爲走江南山左闕廣通街西則入碧瓦朱
山峽黔蜀正路道旁立石書之以示行人

蕘行殿鎖粥魚
茶飯梵宮遐

聖皇宥密稀游豫
父老扶鳩望翠華

十三年春駕幸淀津
觀水西由趙北口回

聖駐蹕寺旁行宮近已
十五年來未巡幸矣

萬善橋

棗栗堆成市
潢汗積似河山
僧長揖別嵐翠
過橋多

涿鹿旅夜

湫隘黃茅驛
家僮倚著親
破窗帷作障
短榻草爲裯
坐寂譚消
夜途長起向晨
逢時青雀舫
正泊淀西津

客夜

檐虛飛蝙蝠
林高滴珠露
斜月注窗油
疑是天將曙

余於今夏經高郵隄上壽佛禪院見古柏臥寺前恐村
人罔知愛重舍資令僧作雕闌護持督空南旋擬繪
圖吟賞以記佳遇今陳臬陝中不克歸舟盤桓嘉蔭
正深撐撥月之廿日路經涿鹿郡之熨斗店見村中
古柏隱於荒蔓叢棘間較淮南所見尤蒼茂憫奇材
之並蹇悵調護之同疏復題後古柏歌

磬社湖寺孺蒼柏看輪囷醜金朱闌圍囊筆青銅皴督輪待艤
榜灑酒澆龍鱗裨展期數輩吟嘯敲烏巾豈期爽前約含意俱
未仲量移遠江表迴車驅西秦支離蒼髯叟寂處淮海濱晨策
范陽道灌木污颿塵緬彼新甫資偃蹇荒煙鄰頂禿蟹爪擎葉
密鷺毛新鸛鶴巢其顛螻蟻穿其根下少九莖芝側萋百尺筠
可惜梗柎儕溷迹梨栗倫常恐體堅瘦掩抑罹樵薪句吳豎燕

薊相仁勞精神因知不世材鼓澤多淪湮見之始愛重不見徒
含辛既見不能舉勢與未見均嗟爾時未遇况我力不振於樹
猶如此培國當樹人

北河店偶題

眯目塵黃三十里竹簾蒲薦愛山家瓦罍權作軍持用隨意斜
簪扁豆花

安肅道中作

塵漲旗亭卅里賒火雲蒸起半天霞豆棚花外涼如洗教向銀
牀汲井華

旭日城東曉市開遠村擔負趁墟來木棉堆雪蒲編錦都向人
家糶米回

遮莫終年學圃忙翠翹涼葉抱芽黃采頭齊說前村得扶幼畦

邊看菜王

安肅俗多種菘田中如產巨顆者稱爲菜王老幼咸來稱賀種菜是達必多利益土人每以此占旺相

年時淫潦盛於秋傍堰居人積土牛雞爪河頭新漲賦

雞爪河在安肅

縣北慈姑葉碎蓼花稠

慈航寺

相傳方宮保觀承微時臥病寺中寺僧鑿茲周濟甚殷後方公總督直隸捐貲修寺以報談者

之美

尚書抱病困檀那老衲慈悲獲報多小宋齋鹽王播飯闍黎佳話較如何

涇陽驛

瘦轍朝曦劃修林宿霧開餌香風捲麥衣健雨收梅和璧懷雄

趙黃金豔舊臺輾轅南北客誰是郭隗才

地爲燕太子昭先生郭隗故里

過望都縣有感

赤縣尤來突黃旄上將專形嶮會暫住鼙鼓正喧闐荀羨年華

綺終軍節概堅山形籌聚米幕府辟依蓮濡墨宵磨盾圖兵遠
控弦羽林雄八部鐵勒蹴三千身已疆場奮心仍繡展牽梟
張原鶻突鹿鋌太狂顛不謂蕭牆起甯知莽澤延羆狼紛搆斃
貂豎詭因緣東觀談經散西華衷甲潛能無慚獻納忍見沃腥
膾兵竟潢池弄書難駭馬傳緹黃馳騎尉太白動星躔天怒轟
雷電神憑乂豆籛事殊甘露變危亞白榆川深眷

皇威赫俄看王道平桓温修建業楊僕下淇汭盜早扶風靖營
仍汲水聯平淮羣有策滅滑氣無前深寇心攻上層城肉薄儀
梯衝銅面具地道鐵整穿天上來飛將雲中舞絳仙刀光涼雪
潑槍陣玉環連螳臂當車折魚魂沸鼎煎力窮喘獸困揚烈羨
鷹鷂

王者原無戰蒼生幸解懸歌鏡鎬節鼓振旅酒如泉飲至麟臺

冥酬庸鳳綉宣裴公專節鉞彥範錫貂蟬回憶參樞密郎官忝
備員鼎肅台輔侍鎖鑰北門遷旁午勞飛檄艱辛此拂鞞戟沈
殘壁壘草蔓舊墮壤民氣蘇三輔巢痕復萬椽桃林休戰馬繡
陌買耕犍畫角吹燕薊旄頭息澗漣根株芟淨矣萌蘖恐滋焉
幸卽瘡痍掃猶需撫字賢
君臣務乾惕玉燭照絃絃

定州

柳蔭交加碧絲紫翠幃繁泥融馬蹏落日午雁沙温纔換方舟
渡遙聞畫角喧郵籤須記取宰堦鎮關門

晚宿鎮甯驛

逕盤依犂确車韻震隆隆郝屋鱗排次奇峯翠埽空嘉名沿獲
鹿秋色入征鴻將下井陘道旌旗影倍紅

白皮關曉發

山行氣候寒秋曉怯衣單石棧綠雲上籃輿學篆盤騾綱氈笠
覆牛舍翠杉圍老壽安耕鑿谿田幾稜寬

井陘縣

炎祚難言火德焚擒餘背水搆秦庭乘權赤幟能生色制勝泯
波解效靈歷劫沙蟲凝血碧橫磨劍鏑化峯青山川也藉勳庸
著不少巖巒似井陘

由核桃園雨中曉發逾東天門亭午至柏井驛朝飯出
固關經石佛寺翠蛟潭山行詰曲峯巒窮奇詭莫
能方物晚抵平定因卽所見作五古記游

弭節句吳邦舳艫輸玉粒陳臬過秦中眼飽峯巒信宿胡桃
圓商颿短檠龔鐵衾雲卷舒涼浸夢魂溼向晨整僕御冒雨度

隴隰結束自蒙茸攜我褐與笠泉注瓊珮鏘嵐浮螺黛浥幽邃
間窅龍恢詭筆難述巖穴巨吻張雲滄恣呼吸黷黷無端倪變
滅意莫必山田綠嶺耕高下不可律縱橫補百衲層巒拾階級
禾黍望油油嘉穗半結實呀哈石林森路轉楔闔立丹書宛鴻
游燕秦割疆邑適足當豫游詎可驚坎習呼僮業筆隨爲我研
墨汁奇景超意表倘失攀不及

駕言邁晉陽金風拂行旂鳴騶下泥坂延緣隨溪流卵石淨無
苔滑達屐不畱輿臺行殼觥視履頻低頭決背露煙鬢石骨媚
以適荆榛短於薺碧葉翻風稠離披泉眼礙芽敷石罅抽山花
不知名紅紫裂錦綉仄徑側身入單車礙行輞籃筍眾夫舉邪
許聽羣謳腰環錦帶牽舁輿如撐舟俯眄數飛翰升虛學猿猱
式瞻東天門一綫逕阻脩昂飛臨丹拱延袤山城樓山寺號凌

霄樞構金碧浮未遑設茗具禪味參趙州崢嶸臺跨谷珉玉窮
雕鏤誰闢洞戶三奇異動客眸左可通輶轅右聽翻風漚中洞
祀楞迦趺座龍象收不暇給雙目高亭宜三休度嶺已亭午槐
葉冷淘漉秀色遠可餐胡必旅食求

壑北常山蛇首尾相盼顧蜿蜒起伏合沓莽迴互谿秀長生
萍崖藏太古樹詰曲入巖厂意銳足難赴或訝旋螺盤或比篆
香炷圓疑錦繖張瘦削雲根露鎮日行崦嵫恫惚慣迷誤雙峯
陡插雲險絕吁可怖攀蘿陟未遑情脰勞目注雄關跨兩峽下
通車馬路關門四扇扃鎖鑰深鍵錮十萬劍橫磨一丸泥永護
函谷暨劍門都輸固關固緬彼祖龍癡長城勞役賦枉費蒙恬
功難扶子嬰孺華夷界一牆隄防北人度詎知命自天恃險豈
先務我朝舊遼陽山海雄關駐三桂攜貳臣望風早歸附舊

術說朵顏豺虎爲吾募四十八賢王率皆我親故入衛互更番
捲甲休邊戍宗子寶維城修誠舒國步

插天碧芙蓉詎訝五丁鑿蠟屐阻攀躋壁立尤峻削梯空結構
牢阿蘭金彩錯風動訶林搖駕瓦翠灼爍鎗鞞聲聞來驀被白
雲幕指點佛臥處金身藤蔓絡想子疲津梁隱居伴猿鶴山僧
獨誅茅卓錫枕崖嶠日餌食黃精身世長鏡託何年此結鄰松
槩恣磅礴燕山有小園風景殊不惡壘石爲巉巖菟裘十年作
巖之九折通地早百弓拓花茜大房移雲縐太湖斫桐淨虛堂
開椽香小亭縛峯或仿匡廬飛泉學噴薄穿池宛谿坳中央橫
略徇聊足以自娛居然邈邱壑載瞻此煙巒神王舌忽乍始知
造化工管蠡詎能度自笑眼界微梁帷巢燕鵲吾將訴眞宰奇
峯割一角超挾煩愚公移置竹齋閣招邀素心人靜賞洗鎗杓

山靈亦笑爾子願胡太約

雨

石燕翔寥汰元霓影碧流牛耕十具足鷺立半槎浮沙淺仍懸
瀨衣涼已近秋時和無滯穗甘澤仁歡謳

過側石驛用少陵西崦人家韻

原隰圍羣峯浩蕩豁雙目雲釀嵐翠濃沙潤秋禾熟古寺石戴
松舊徑雨荒菊衣裳溼靄凝知傍崦岷宿

由側石朝飯里趨壽陽縣途中驟遇風雨山水暴漲泥
溜異常行路難信矣夫

側石甫朝晴秋陽熱未斂馬瘠行遲遲雲滃起淄淄飄風挾雨
來油益不遑掩煙霧萬峯昏似客夢壓厖嶂旋螺紋黠羃覆
嶰巒彷彿米虎兒鵝溪供筆點天然圖潑墨深淺妙渲染須臾

勢噴薄瓜蔓漲猶險眾壑奔流淙穀脫少束檢蛟夔移窟穴波
濤舞瀛洲蛟宮獻珠若雷門布鼓儼橫霏霧縠飄倒射晶簾閃
殷雷搏山陽雨脚收始漸短薺仁豐林墟落藏西崦征衫非瓦
爲沾濡烘藉糜我欲叩松關屐屨半支居栖栖果何爲觸撥依
巖广年時督輸還水驛風鐙颭靜聆撒粟忙秋篷擁冰簟何嘗
累塵滓蘭橈如泛剡陳臬入關中厥職胡敢忝鞅掌分所宜
恩綸重分陝游子懷垂堂念茲心倍慊

壽陽道中雨後遣興

滑澁千盤磴嵯峨萬仞山秋雲低傍馬行雨未知還雪糝蕎花
白丹凝槲葉斑衝泥防癘筒酒醉醜顏

發壽陽縣朝曦乍上秋霖未止途頗泥滑緣昨與十弟
松亭約晤於鳴謙驛一年別緒藉可稍慰喜而賦詩

用竹垞雨舟聯句韻

雨涼睡相宜晨征起猶晏添衣陟筍輿便旋風拂面溝水流東
西飛泉迸冰霰山徑行營暑紆折作胡旋青泥沒髀深碧亂當
風戰陰晴眾壑殊紫翠倏幻變煙霞具夙賞不謂行旅便坡陀
宛蟻蝮墟里望青菡柴荆傍碌碡水楊圍舍院鴉噪女郎祠魚
喧梵王殿登覽意亦佳中懷深戀眷太原古都邑郊隰實沃衍
叔季牧是邦鳴騶喜相見心急嫌步遲骨肉意猶悵黃茅古驛
亭聯牀鬪詩硯把臂話春明排觴開夕宴

詩亭和韓昌黎韻

長慶君臣壽晏安強藩跋扈齒應寒據河北有王廷湊神策如
何罷練團

穿鑿詞人意未安驛亭柳暗曉風寒騷人託興憂讒慝錯認閒

情粉陣團

身世勞薪轉未安馬蹏衝雨萬山寒
可憐葑菲成陳迹只賸當時古月團

八代承衰歷建安文章光燭斗牛寒
摠衣重下詩人拜不覺征衫草露團

由徐溝至祁縣

脂車秣馬發徐溝禾黍雲屯浪疊稠
大似南畿好風物青山影裏峙城樓

天空蛩響晚煙屯黃篾棚低結構新
一領牛衣高臥穩羨他老作看青人

秦中禾稼盛時防人偷竊備工看守名爲看青人

漢槐

瘦槐碧參天樹本大於瓊葉乏兔目
新榦方鵬腳重蟠根炎精

深灰劫冰雪凍託根傍盤阿幽人曾與共曩時郭林宗墊巾恣
吟弄地即郭林宗故里佳蔭不暇賞肩輿勞目送

介休

坡陀含旭景屏幃綠沈開秦壤泥封赤香林石塔皚介公何褊
急繇上亦蒿萊畢竟朝齊楚匡襄信霸才

韓侯嶺

假王封拜寵非真烹狗藏弓具夙因馘項擒餘遺算少卻輸雲
夢僞遊人

囊沙拔幟策奇勳垓下雄逾壩上軍計諾蒯通公自主炎劉草
昧或三分

仁義鎮夜發

檐霽爛明星輜軒發驛亭暗泉聽汨汨深樹望冥冥棲鶻風巢

警寒壁露草屏火城雖未列十炬照峯青

題隋中郎宋老生墓

一笑君王對鏡明
娥姁豔煽國都傾
股肱重寄談江左
授命惟餘宋老生

出山

石棧天梯曲帶縈
巉巖到處學孫升
浪傳出峽詩篇雋
繡陌平蕪接趙城

瑞石驛寄內

斜樓昨共暴衣單
忽漫晴空轉玉盤
淺黛似摹峯淡冶
豐容想像月團圓
征衫重疊勞卿寄
中饋修治慰母顏
待我衙齋教灑掃
晚香偕賞菊花斑

寄蓉娘

東素纖腰瘦幾多
鐙窗古驛憶如何
羣峯都作修眉樣
不用教研五斛螺

身懸雜佩玉璫連
不奈籃輿似簸錢
可記琴川春放棹
槳牙同玩錦鴛眠

雨涼石磴馬蹏便
半臂誰教厚著懸
密字珍珠頻寄遠
山郵早買雁頭箋

高懸峽中

屋地千尋坼蒼穹
一綫看無風籟虛
發不雨晝常寒古
柏陰交翠山葩寶
結丹郵程心目爽
巖岫走千盤

豫讓橋

怒斫衣裳作解嘲
漆身吞炭枉形消
專諸陸楯荆軻柱
千古傷心共此橋

秦中畱別

巢痕纔拂燕泥新，忽漫河梁碾畫輪。
泉暖翠涵驪嶺潤，雪晴梅透灞橋春。
採風有志追皇古，捧土無方塞孟津。
一樣爰書登肺石，雍梁民氣易還淳。

薰風迴憶廁鴛班

天語親聆紫閣間，馬首東馳行未到。

龍羈北狩慟難攀，雲霄黼展頒新綉。
冰雪關河鍊舊顏，瓠子

未成鴻雁集，躊躇何以答宸寰。

畫錦歸榮父老攜，鳴叩缶唱黃雞。
邦緣桑梓情猶眷，社近枌榆路欲迷。
得表瀧岡追永叔，未躋華頂效昌黎。
棠陰蘭契都縈念，爪雪他年覓舊題。

余家先世
駐防西安

西安畱別吳澗尊明府曾貫

秦川悵悼卸行滕細訴歡悵惜未能繡豸

兩朝恩錫屢驪駒一曲賦頻仍西瞻太華千秋雪東渡潼川十月冰把酒臨歧期努力扶搖廣莫仁搏鵬

青袍綵纒鬢堆霜阿袞今年喜及牀醜面桃花雙靨秀飶心蘭玉一枝芳嘉名肇錫期能大賢嗣宜官定克昌

明府新得子余贈名延泰斯

事君應爲我賀豚兒幸忝秘書郎

大兒延福蒙蔭中書

題驪山溫泉

裸游宮館莽榛蕪錦雁消沈碧藻鋪渠膩流香惹惆悵二千年上照冰膚

珠泉活潑進盈科驪嶺湯分十六多賜浴恩波今尙暖三郎密誓較如何

留別陸劭文徵士

耳熟江東陸士龍不圖識面晤秦中一篇檄草看雷動兩夜鐙
花照酒紅問字偶將甥館寄買山誰念寓公窮梁園伊昔饒賓
客肯載琴書艤雪篷

贈王雲門明府

危坐深衣氣不揚琅琊腹笥善韜藏箋白屋花生管腰笏青
門鬢有霜華胄誰知元老重酒星常照次公狂春風座上能噓
物蘭草栽培滿國香

北相公廡

鴻爪泥痕記舊時簾波織水漾罍恩打窗桐葉郵亭晚獨對鐙
檠白寫詩

同懷弟法良校刊
男崇福謹校重刊

抱冲齋詩集卷十

長白 斌良 笠耕

陝豫秉臬集二

過史村驛

相傳爲巢由洗耳處

淋浪夏雨走珠盤
滑澁泥攙落葉乾
山近雲從眉睫起
崖懸樹傍履綦看
天遙雁字排空小
漲落魚標照影寒
此是巢由棲隱處
停車傾耳聽風湍

過聞喜縣

涑水舊傳多理學
巾車憑軾肅衣冠
莊荒綠野沈沙磧
地卽晉公故里
酒黃黃姑式燕盤
柳影蘸波鴉點瘦
棧雲糝徑馬蹏寒
莫嫌偃蹇冬山寂
丰骨峻嶒耐久看

趙城曉發

馱鈴如訴曉征寒，狐貉裘當白袷單。
煙爨攙雲浮滄陂，陀覆釜聚團團草薰已失肩。
腰綠河曲都如衣帶盤，粉本不須搜董巨。
舉帷百幟畫圖看。

入峽

客行入峽疑落井，風雨晦明都不省。
巨靈長劍倚寥空，劃出青天一綫影。
履綦所歷積漸高，捫參歷井學飛猿。
後人額觸前人踵，蘚滑霜濃立不牢。
有時百丈牽作絳筍輿，權作瓜皮泛伊誰。
援手接青雲，俄頃低眉還仰面。
側身回望墟落中，綦布培塿蟻垤封。
冷雲噴涌不遑嚙，俯瞰一丸寒日紅。

過靈石縣

脂車東下石琳琅，沙起公超霧忽揚。
傑閣盤雲飯鐘寂，巨絙引渡粟舟。
杭輿梁束縛奔瀧，急亭障蟬聯禿樹荒。
搖曳一竿帘影。

直拍浮買醉酒壚旁

介休懷古

駢脇天生定霸雄
攀龍諸將漫論功
餽飧加璧前盟踐
誌過封
緜沒世同亮節
照殘晷藻碧劫灰化
作杜鵑紅
責賢律以春秋
筆夷隘吾偏說介公

題側石驛

虎邱千人石
恢詭頗足喜
揭來笑管窺
微乎具一體
我行側石
驛巨石平似砥
誰鑿青玉案
席布十餘里
谿坳虛牝擲
白雲鋪
作底飛瀑漱
苔花五色絢
文綺紅或丹
砂同綠可
晷藻擬靈符
召五丁
移置蕭齋裏
問奇好句成大筆
如椽紀

仁義驛

入夢巉巖峽裏
天笱輿迢遞復
穿煙山田碎
衲絮雲補嶺日奔

輪赤道旋松鬢薦蘿風裊翠雪晴燕麥綠鋪氎軺車指處山靈
喜恢詭圖經待我傳

晚抵介休行館

耗耗官柳半城遮纔卸征鞞已噪鴉說餅光陰宜客子乞醯風
味笑鄰家雨聲乍起疏鐙上詩迹重尋舊墨斜遙憶卯君官閣
畔錦函修傍印牀花

核桃園遇雪

兩度桃園風景別來逢秋雨歸逢雪山靈向我矜豪奢萬頃鎔
銀送行客驛亭簾捲乾雀噪醜粉樓臺裝點妙朗抱由來叔則
同羣玉峯低花四照出門路滑愁馬蹶牽藤冒葛阻攀躋短橋
忽擁漫天絮十月花開萬樹梨僕夫勸我行且緩讀畫看山福
不淺郭熙荒遠李成工蟹爪磬頭忒渲染鞭影垂垂有所思向

來驢背只吟詩披裘老子衝寒去彷彿翩翩白鷺鷥一竿搖曳
青帘輒沽春人指黃茅店鐵石心腸宋廣平醕耐涼雲齊下嚙
春光倏滿黃金臺走馬朝京亦壯哉此去東臯膺寵渥和羹正
待鼎調梅

又疊前韻

連朝書法趙吳興晨起開門對松雪漁樵販負裹足多凌兢臄
有孤征客棘刺堆錦亂雅噪似話秦中煙壑妙置身恍入冰壺
中清沁心脾光外照銀杯得得翻馬蹏犖确谿凹礙客躋誰家
荒渚多眠柳何處園林不號梨帶眼頻移歌緩緩老子今朝興
不淺天公知我愛繪素滕六拈毫向空染才盡江淹減慧思白
戰只學歐陽詩龍庭幾見烏頭白鶴鶴都猜作鷺鷥滑澁青泥
沒屐輒賞奇最數峯頭店陂陀盡化作瑤階玉筍參差秀堪嚙

去年此日姑蘇臺榭聲搖曳真幽哉荒橋斷岸都相似只少前
村幾樹梅

井陘縣

雪暖還成雨泥香一徑融溪聲斜抱郭雲意靜依松籃筍青絲
引都梁水磨春淮陰塵戰處斷碣古苔蒙

長岡口占

迢遞長岡路繚黃撲面塵茅檐翻水碓石屋禮山神柳態經霜
瘦螺痕沐雨新明朝歌出峽平步碾輕輪

寄蓉娘

未侍熏衣一月遙漫因惜別瘦纖腰春愁似水冬難涸綠鬢黏
霜暖未消有憶眉痕看山色欲評茶味聽松濤雪花掌大燕關
冷檢點貂裘備早朝

大風過滹沱河

蛇奔象走鬪昆陽千載餘風吼戰場冰合天教銅馬渡朋來驚
奏客星狂稱心少艾陰華得失路蕪婁麥飯傷沈勇知人兼用
眾蕭王大度似高皇

夜發伏城驛晤新樂縣陳令話舊

村雞纔唱促征鞦珠斗光微夜未闌野岸橋殘踏冰渡荒郵書

到翦燈看是日得徐北征事往重題句子於癸酉同 託相國

倏忽已東道情深累授餐陳令頗知否金陀舊詞客垂魚今半

作羸官陳令偕吳潤尊皆嘉禾名宿同出阮芸臺

過長國寺

陡壁平分鬼斧剗虬蟠石罅迸松杉風塵溷迹游蹤少荒翠涼

雲閣石函

雪竇趺跏亦偶然
瓦鑪埽葉煮新泉
山僧不識唐天寶
笑指碑陰問紀年

翠蛟潭

摩崖方丈書題款
細莫覩縹雲千萬疊
拾給不階土谿拗影溲
減綠玉鏡太古有詩
但低吟恐驚神蛟舞

自固關晚抵核桃園

固關東下犖确叢
鐵輪冒礪耳震聾
陰崖飛瀑雪練曳
大壑枯枿冰條蒙
慕然礙馬綽楔迴
境越秦嶺幽燕通
寒颯刺人冷潑水
征裘徒擁貂鼠豐
曖曖煙上稍曛黑
谷風凜冽愁鐙籠
棗林栗野望黢黝
墟落彷彿蟻垤崇
蒼龍佩景避木客
鞭梢倒指烏陵紅
四山抱翠妄比擬
筍箨未解欄纏椶
巾車枯坐涉遐想
欲化鷹隼摩高空
凍雲擘絮密似繭
不知使君穿出蒼
煙第幾重

十月七日徐溝驛重晤十弟

宦游兄弟易參商秦嶺峯迴雁行蕩節量移聲愈藉棣華重
放萼生香談深翻覺冬宵短會好休嫌驛路長底事朝

京兼問俗天教坡穎暫聯牀

板輿遙奉畏奔波竊幸萱闈氣體和蜜餌閒分諸娣姒伊蒲常
供老維摩家山接壤郵筒便兒輩承

恩色笑多更有童孫新捧檄花前學拜叟鳴珂昨詔到西安大兒延福賜

品陰七

衝寒贈策去恩恩此會原非逆料中政邁龔黃三考最譽馳儀
廡一堂同柳舍別思涼消翠酒上歡顏暖藉紅待到梁園歡潔
養雁奴分付寄詩筒

得吳中趙晉齋書卻寄

中山五言集卷一 川身又川 三

細字蠶眠老更精
野雲飛下闔閭城
淡交論到閒鷗好
草履方袍古性情

琅琊寶館舊棲賢
笠屐重尋意惘然
只贖階前仙杏古
當窗赭

玉色參天

晉齋於乾隆四十年間王蘭泉先生陳泉時會至關中近泉署寶慈書屋惟古杏尚存

婚嫁君平志已蹉
勇攜襤被走關河
岳祠柏與先生舊
相對蒼

髻二老過

文書堆案百重盈
雀錄雞碑漫品評
天惜吉金湮沒久
東京留得趙誠明

晚抵南天門

守關吏上剎竿鐙
導引征車歷碌升
大似蒼茫煙海裏
扶桑旭

影赤初騰

北河道中

蘆花晴雪擁空灘
澤腹冰堅鏡面寒
粉墨崔徐最蕭瑟
華堂偏作畫圖看

汴中相國寺傍行臺院中石數十株相傳良嶽所遺嶽
崎峻削恢詭動目玩賞不置因用東坡次劉京兆石
林亭之韻以誌之

陽九天水碧青衣遠難還森然良嶽石委棄闔黎間
朱勔工媚諛花石綱運艱黃封復蠟注洗刷怡龍顏
縫囊聚雲滄鑿罅通溜潺金牌宸翰摘玉輦勞躋攀
一朝鼙鼓振鐵勒龍庭班雲煙遭拊擊翠失屏影
環奇峯化礮材飛舞滿市震灰餘幾拳秀宋室興
廢關晏安玩耳目沈陸悲河山偶繹輟耕錄誌往
僧窗閒

蘭陽縣

秋憶陽侯虐驅車意忽驚漲消楹桷露沙擁樹梢
平鼠竄民逃

穴牛椎地廢耕斷垣森櫛比淒絕古蘭城

河腹高灘凸宣防勢更難洪濤頭上吼樓觀釜中盤畚畝千夫
集芟蘆比戶寒其魚悲赤子無計挽狂瀾

冬月勘案

爰書細按月三更落紙霜毫食葉聲滿眼桁楊皆赤子忍甘乳
虎務淨名

青蓮寺

前身豈是老頭陀蘭若頻年六番過

在金陵住承恩寺抵京住法華寺在園住大樹庵在

通州住清涼庵在真定住興隆寺在豫住大相國寺自笑淨絲夙結皆大歡喜我有心香還默叩只求

澹靜養真和

徑轉敲斜蘚半乾風吹樹影亞朱闌安榴想像花如火不數裴

卿赤瑤盤

颺颺窗紙俊風尖十指排籤凍轉嚴千月印來歸一影照殘禪

窟蒼蘆簾

疏向寺僧借草
簾禦寒水月庵

春雨達旦曉寄姚明府

顏

淡墨雲陰溼子城遨頭游漫盼春晴凍蘇柳醒風初翦礎潤苔
滋雨乍生埽穴早欣無蟻鬪穿林仁聽有鳩鳴泥香街滑慵騎
馬稍滯琴書入洛行

初九日過吹臺

紆迴欄楯抱沙墩梁苑巋然舊迹存粉堞低臨開霽色柳芽初
綻媚春痕詩筒李杜摘葩藻朋盍鄒枚豔雪尊安得政刑均就
理鴟夷間載問雞豚

余偶臨樂毅論小楷杜茂才

故

跋之以詩依韻答之

藝苑風流說野王賓賢舊館一身藏渭城那暇殷勤唱漫詡飛

揚翰墨場

紅日窗油細擗時撥燈書禿管千枝平生嗜古饒癡癖長傍楊花小硯池

頰上氈椎較若何運斤登善最虛和高紳家刻湮淪久波磔應輸寶晉多

樂毅論帖高紳家海宇石刻久失坊本以寶晉齋所刻爲最

和杜茂才枚見贈原韻

雪照梁園幕府開江淹花管帶春來偶撫禊帖論波磔閒考覈鐘數篆枚坐傍麴生堪任達籠無藥裹漫儲才城南例得詩人住指點繡黃纒吹臺

春分後雪和東坡先生癸亥春分後雪韻

瓦溝璀璨幾行稀影薄難禁曉日威誤認梨雲隨夢遠已通梅信作花飛潤生萬物能涵百歡協羣情總化機料峭輕寒陰刺

曾寄言在笥慎裳衣

二月旱甚率僚屬致禱並命於河口之龍潭中取水貯
盎敬捧詣相國寺飭眾諷經供奉祈禱越三日雨農

民望慰誌喜

碧潭蜥蜴貯鱗雲委中天密易屯纔見魚星占尾度靜聆龍
鉢呪祇園千花聚塔香成界萬柳搖春雨釀村東暫致齋三日
請甘茲敢詡獄無冤

春日過訪黃子芳感舊

三年笠屐共相羊晴翦吳淞淥漲狂交共波稜宜澹味語方諫
果耐深嘗杯傳鸚鵡環中趣珠探驪龍領下光底事還鄉仍作
客囊書篋筆傍嵩陽

子芳家本古歛借余
至大梁因僑寓焉

蘋末輕颺動碧虛弓刀小队引復輿青黏細散仙人製翠竹寒

梢處士廬案設龜著詹尹卜枕翰鴻寶活民書汪洋叔度波千
頃振袂間過聽訟餘

靜賞齋雨坐

雨洗鳥聲潤書窗靜自深瓶花攀豔影階草抱春心養肺屏煩
語消閒寄淡吟漫嫌頻索處朋盍楚江臨

靜賞齋雨坐偶成姚明府顏見而屬和因仍疊前韻奉

酬

屏迹懶幽尋苔錢疊徑深挾蘆秋士夢籬落野人心短榻攤書
臥長牋擁鼻吟鶯聲聽漸老客裏夏初臨

三月十四日過相國寺晤僧智清說法

繞門修竹羃輕陰杲日招提得便尋衣鉢遠傳宗律教巾單難
約意身心初枕履印登乾慧十院苔香澄惠林宋時相國寺有十院惟惠林禪

院遺址
尚存

未舍周何妻肉累恰來白氎坐禪深

晴日喜題靜賞齋

晴日少飛沙鉤窗拓碧紗砌苔紛鬪蟻臺柏開風鴉花墜連筒
灌書籤插架斜埽門人擁簪小立話桑麻

靜賞齋獨坐

夏氣深如許鉤簾草色青退居藏手版調息誦心經哺鷺鶯移
幕尋香蝶到瓶蕉窗閒滌筆學篆鼎彝銘
半日此靜坐心清纓冕閒低窗明似舫高樹碧當山雀睡消爭
氣蝸盤帶雨斑芝蘭花數箭妙契足怡顏

李畫師

育自邗江來汴過訪卽贈

巾幅何瀟灑松高野鶴投繯黃驚汴水明月夢揚州潑墨成名
構囊琴且壯游延枚舊賓館肯作小淹留

官舍西閒園散步

苔綠半弓寬柴門倚杖看草薰晴爛漫松古氣高寒燕影多依
客蛙聲半在官會心濠濮想舊夢戀漁竿

大風悶坐齋室

飄瞥原無定憑虛怒有聲濤飛千尺涌雲蹙半天晴小草低能
偃孤花遠不明下簾聽唳鶴排闥意難平

春日出北郭過甘露寺

幾日未出郭春波漲勝前晴暉圍席帽飛絮逐絲鞭塔勢穿雲
陡花光抱樹圓河聲聽漸近心事默難傳

三月廿八日質明祭東嶽廟有感

鸞環月子墮西巖霧溼紅旌醮祀誠往歲盤閭剛轉棹柳花糝

雪撲征衫

去年三月廿八日自蘇臺放舟督輸北上

東嶽廟傍道人闕精室花木深秀戲題

斗室清虛極芳菲草木姿
微香披紫萼檜禿拗枯枝
鼎篆春雲裊盆山雪浪奇
懸琴偏懶奏此意道人知

江都李畫師

育

工於畫凡董巨倪黃宋元名構
樵倣無

不神似游汴梁無賞音者
悵悵然歸余慨其遇之難
也作詩贈之

買棹浮梁意灑然胸臆邱壑老
風煙淨名寫出那提子打刺俄
看擲萬錢

落日繁臺獨嘯歌東京銅狄徧
摩挲鄉人漫笑歸裝儉猶有延
珪墨一螺

連日政冗心煩午後案牘稍稀
自題靜養真和之室

半幅精廬悄壺天足退藏觀書
饒眼福誦偈悟心光雅陣營巢

急蜂衙釀蜜忙桃椎機已喻大藥本無方

初夏坐靜賞齋

屋幕綠陰潤窗虛襲晚涼竹飈腸飶筍桐鳳翅收香識定語能
簡心澄夢不狂統如報衙鼓斜照映書倉

過駐春齋陣雨忽作

陣雨亂暈寒雲峯潑墨寬鶯紅風蝶繞深草怒蛙盤竹粉黏窠
石瓜藤絡井闌疏簾過客弈負手作閒觀

汴梁獲古鼎一枚無銘文色澤黝碧殆是漢器鮮暇考

據且題一詩

精冶體渾堅銅花潑翠鮮雖無蝌蚪篆或自建初傳環耳緣脣
峻弦紋抱腹圓汾陰歌得寶擬製柏梁篇

自到大梁已歷半載秋讞甫畢寄懷舊游

鴻泥蹤迹指高嵩，竿牘如山几案叢。
豈有循聲傳洛下，頻將米價問江東。
榴紅日照鑽槐火，暖雪晴飄擘絮風。
忽漫雋遊思粹脚支塘，何日繫疏篷。

夏日題靜養真和之室

不放炎曦入高棚，帶晚涼簾波斜織水。
冰簟淨浮霜，竹響有聲畫心馳。
無象忙盆魚，紅映藻知樂共洋洋。

題宣和畫鷹軸子

枯枿兀如鐵，神鷹畫老蒼。性非貪搏擊，職自懷風霜。
粉墨清光萃，鞞縑意氣揚。高懸柏臺壁，籬鷓敢翽翔。

內室偶作

雍肅齊家政，真閒樂莫支。嫗癡頻索扇，婢雅亦知詩。
澣葛涼浮雪，簾花繡買絲。潭潭香閣邃，報謁漫嫌遲。

題李生育畫

石瘦苔濃雨氣涼，風捎翠影乍過牆。
繞籬苦筍原無味，竹髓貪饜恣意嘗。

一丸寒月白於霜，雪壓雄關氣倍涼。
突兀眼中駝背坐，披裘人是左賢王。

李生

育

將歸江都辦裝未就復畱二日作此贈別

濡滯歸裝整還成，信宿綠茶蘖香雪。
夢玉版竹林禪，鞋底嵩雲峻。舫邊楚澤圓，此來差意強。
畫稿半胸填。

曉雨出曹門

漲膩抱城斜，曹門路幾叉。
綠低風捲麥，紅溼雨嬌花。
河近潤千里，煙沈聚萬家。
馬蹏行蹠踐，輕快不撈沙。

駐春齋落成

西齋初落成灑掃坐虛明釘壁張圖畫當牕設鼎鎗過牆鄰樹
密巾地野蒿平退食閒來此能令萬象清

仙榴廉石之居落成

頻年畫鷁轉軍儲入洛崔駟始作廬丹堊誰希美楹構縹緲聊
復度琴書雨濃閒砌苔紋幻風送鄰家樹影疏權放屋山青潑
眼惜無蛾綠壓飛除

常熟署中石梅仙館後虞山環抱
大梁柏署居城市中無此佳致

花漾簾旌蛺蝶尋屋香不待海南沈早堂吏散鸛鴉噪小院日
高梧竹陰黃篋棚支涼乍入碧紗窗拓夏將深韜華退食存吾
素不是泉明避地心

編籬插槿任支分畫篋琴囊暖晝熏雨歇酒人聽蠟屐睡餘殘
客漫書裙榴房然火入檐見茶鼎翻濤隔竹聞擘絮午橋惘脰
望鄉心遙逐薊城雲

五月六日風神廟告成祀畢敬紀

五更雷雨繞堂聲
樹挂銅鉦倏快晴
畢竟城西煙水好
翹塵細碾鏡奩平

絃絲袍換漏煙痕
棟子風涼氣不溫
猶是浴蘭佳節序
幾家菖葉碧簪門

宣仁煦物神功赫
蠲潔牲牢禮祀虔
東哲敢誇無枉獄
芄芃苗黍樂穰年

晨興沐櫛挹清光
韞雀窺簾日照廊
纔聽殷雷衙鼓動
吏人魚貫早升堂

和杜茂才作

風定蚊雷聚有聲
一丸涼月夜窗晴
琉璃八尺憑高臥
碁局心中漫不平

刻句閒留竹上痕冷卿坐久石牀溫珠榴不藉東風力也自嬌
紅照沐門

淋漓書秃管三千竿牘紛披夙夜虔幸與先生聯洛社各分吏
隱頌昌年

短檠倚牖漾清光話久朦朧月轉廊何日買山資辦得結鄰燒
筍葢公堂

贈日者倪生

長揖見公卿昂藏野鶴精遇窮詩有骨言放酒能兵善解盈虛
理難齊顯晦情料嫌看世態內養自光明

雨過求可齋

甘澍崇朝降鬢垣翠碧浮宦貧童僕慢政肅吏胥愁性介看廉
石居安種若榴雲陰起膚寸膏澤徧中州

衙齋西偏有土阜如小岡閒過登眺偶題

眼界頓然豁心隨飛鵠翔松篁城角寺楊柳水邊莊濁酒呼堪過肥魚斫可嘗只添小亭子邀友坐風涼

七月初三日天甯寺候迎王定九侍郎晚歸值雨

出郭迤邐穿煙霏市聲漸遠村路微眼前突兀見蕭寺雄深殿宇松栝圍雪眉老衲笑迎客袈裟斜搭唐宮緋粥魚響歇午齋罷宛轉導入青竹扉瓷甌瓦鉢燦芬馥瓜壺倒映紅薔薇遠公攢眉厭入社方翹障面汗雨揮憶從挂席下沾口遠拾海月尋蒼磯琴書滿載喚濁酒樓臺倒影涵清暉今年樞謁大梁道腰笏遮拜皇華駢塵埃漲天馬蹶熱日光閃灼黃金鞵輿臺駟從肉山擁火雲燄拂天王旂何期勞逸判霄壤俯仰今昔情依依僧言至人貴內養心鏡朗澈蠲熇威幡風不動井波定道貌鶴

瘦嗙舉肥蒲葵不扇蘊隆減妙蓮佛土相依稀八部天龍倏騰
蹕人天歡喜雨濯衣隔城窳堵波忽見七鴿旋轉金輪飛

題江南春曉小幀

舊游偶值畫圖中
客子光陰雨又風
記得馬頭村店遠
土牆缺處杏花紅

秋日求可齋新霽題

積雨盛苔痕
蕭齋畫掩門
拂牋認奇字
無酒愛空罇
花種收銅鉢
魚苗養石盆
一行疏樹好
讓月到東軒

自題虞山雲海圖

萬松深處小亭偏
杖底分飛百道泉
此是虞山真面目
一回展畫一悠然

重陽祀禹王臺地卽梁王吹臺遺迹原野迴曠登眺豁

襟小憩方丈遂入貢院放榜

簿書堆案兀如阜披勘眇昏辰訖西撼窗梧葉雨聲來驀聽明
朝屆重九霜清報饗繁臺集冠蓋鬧雲提馬走元繡蒼壁醮祀
虔盤辟升階鏗珮玖老僧導我作茶話青豆房偏坐僚友是時
秋宇極澄鮮天外朋簪半昂首黃雲穗刈遠畦出蒼檜枝搖陸
濤吼脩廊轉日繚而曲窳堵波森傑無偶曠頡高蹤杳莫尋猶
曠荒墩戴蒲柳我聞古時重佳節吹帽龍山前哲有竭來汴土
事紛若嘉肺登民陳械杻豈無登高賞秋約胸臆塵縈儕里醜
書札江湖鴻雁遙破山延伫題餠手至人樂志不在迹六鑿天
游滌纖垢時和政美迓休祥不事持螯并篋酒歲糜廩粟身繡
膺易俗無功辜牧守潁川未下原褚強鄭僑待翦萑符數折獄
空希雋不疑京國平反開笑口

主恩未報敢投劾笑暇折腰慚五斗感時撫事搔白頭銀艾蟬
聯恥身受吮毫甫畢麗譙發鵠立青袍隨指喉菜萸香共榜花
開登進賢良荅 元后

過湯陰謁岳廟愬小憩

和議金縉詔已頒長城自壞主逾孱汗青功罪分明在我對叢
祠一破顏

同懷弟法良校刊

男崇福謹校重刊

抱冲齋詩集卷十一

長白 斌良 笠耕

澹園退思集一

自豫還家閒居

未老教尋退隱廬，
壓裝猶賸五車書。
石湖小葺夢漁舍，
玉局新營白鶴居。
松菊也如詩學廢，
蒼筤略比故人疏。
栖遲胡必槃阿窳，
種秫三分地有餘。

聽雨樓小坐

竹樓一角露鸞跼，
壯歲歸來占斷閒。
蒼檜吼風鳴瑟謾，
凍泉漱玉韻潺湲。
鷗盟已踐期，
釣水鶴俸少贏難。
買山篋底雁頭箋，
乍擘任嘲飯顆不須刪。

訪客晚歸

莫負邱樊松桂叢
輒紅車騎關窓窓
燈前觸忤鄉情劇
巷尾吹過煨栗風

寄懷軒消寒信筆

半窗杲日破寒森
茗味餘芬靜可尋
萬樹吼風澎湃舞
恍如大海鼓琴音

緜帽温鑪坐小齋
境逢佳處妙詩裁
梅花信有高人致
慣向冰霜影裏開

悟時心鏡妙如如
不讀儒書誦梵書
玉局香山同佞佛
疏狂相效樂無殊

愛讀船山入蜀詩
峨眉掃翠盪胸奇
十年作吏頭如雪
肯入槃阿尙未遲

落葉青黃積水坳
門無熱客景清寥
舉頭我代蒼鷹懼
枯槓喬

柯立未牢

長安八百惜孤寒日作曹邱累萬端豈必書蒙子公力燕都薪桂駐偏難

冬夜不寐

一穗明鐙小今宵特地寒居閒高臥穩事舛鍊心難樹寫虛窗月茶香石鼎湍車聲任雷動吾夢自清安

新歸澹園自題

老樹陰盈畝低頭耐雪霜樓臺隨地改松竹較前蒼璧月迴廊抱涼雲石屋香林泉欣有託向我煥輝光

灑掃教僮稚虛堂淨滌除螢乾半囊雪蠶飽一瓶書蘭茝含幽怨榛芳作後圖衡門聊復閉奚必畏催租

圓小壺天隱蘭成靜策勳豐林榮萬有煙水闢三分飼鶴秋糧

聚烹魚竹浪聞羊求偏不過誰與細論文

好友如梁燕經秋返舊巢問奇通豹聽買醉典烏貂詩夢圍鐙
峭書聲帶月搖蟄棲安蠖屈春冥尾應燒

夜坐韜華館感舊

不貪詣客少人尋經卷茶鎗伴冷吟宦况猛醒巫峽陡

主恩淪浹楚江深風梳蔓蔓蘿煙細雪釀雲流竹隴陰椎魯僕
如君實好儒生稱謂守初心

抱沖齋前古藤架歲久傾敝令匠作稍葺之頓復舊觀

喜題

嘉蔭鮮護持倡條罹坎坷雨摧架格傾葺廢今宜頗倒垂骨離
縵斜披髻髮擗置良那降神截莖惜熏火活翠河鼓牽乾碧苔
錢裏根盤曲走螭穴洞深負螺蠓網織藕絲蜂房綴蓮頰窺香

粉蝶疑懷朽蒼鼯墮卓竿昇斲輪剝木儼爲舸方棚俄支撐弱
幹倏猗儺涼堪倚柱吟陰想移牀坐爽儷結層構情邁扶偏跛
幽襟愜未曾壯觀誇信果吳歛美人畱楚隱桑扈裸待花邀友
看防溷教僮揣尊錦緞張懸帟帷妥罨畫遊頻仍瘦策裁
卻可貞耐冰霰零拔免終風禍蛟龍輸攬拏瘿瘤戴礪砢紫擬
鹿茸丰紅詫罌粟朵絺衣幾桁挂桂魄半眉鎖支離半空撐補
葺一時瑣柯喬良足攀枝重甯愁荷榮悴理有至愛憎測真叵
凌冬斲寂枯方春仁蕃夥培資家督勤灌懲園丁惰藤蔓笑當
風低頭如拜我

聽雨樓

投劾歸來畫掩關泉諧靜趣罷潺湲宦貧只覺孤吟好福慧修
成壯歲閒翠竹節高雲外閣縞梅香動雪中論交方外多禪

北江初集卷十一
合八川
三
侶老衲分齋約往還

閉戶家居坐寄懷軒偶題

松栝翻濤斗插天下帷
枯坐守青氈盈甌旨蓄長
腰米漑釜鮮烹縮項鰯
有約迂辛偕短李所居讓
水帶廉泉腹搖鼻息容高
臥狂象無鉤性自便

臘雪

臘雪見何晚鷗鳧有舊盟
浮沈姿潔白歧正路分明鬢
色幾整改心光四照清
郢歌原和寡小坐對書楹

正月十九日夜坐寄懷軒漏三下
篝燈題此邀宋星浦
孝廉和之

坐傍書檠靜揮毫逸興閒
墨花融益豔蓮滴暖逾潺
翠羽棲楹藻金波射屋山
開蛾羣稚歇凍柝擊當關

二十二日游吉如二弟

霍隆阿

棗香山館過青龍橋

紫駟蹀躞颯風颯帽影衝寒度石橋雪意粉痕巒萬疊春痕黛
沈柳千條青陽白日一無事山淥湖光互動搖遙指鬱林岡畔
路凌霄雙塔似相招

過菴秀村

石路馬蹏響連鑣逞雋遊近岡盤磴險放溜斷冰浮虎圈籠斂
守漁村鼠網收毬場草萌欒寒色上貂裘

廿二日至董思村棗香山館飯罷邀家可盦吉如遊寶

藏寺僧

靜省

畱坐清涼厂汲玉泉水煮茗開窗望三

山昆明湖諸勝畱詩疥壁兼訂後遊

隔夜理都籃晨策雞戒旦香杭飽山廚蒙茸各巾盥身輕健於
鶻結侶據款段鈎衣犖确森寺壓翠微半彩虹跨孱顏破空懸

匹練阿窳殘雪畱春陽古冰泮巢危老鶴棲藤斷驚麝竄騎滑
慄朽馭驥裏飛鳧換瓊霏屐齒霜珠斂鼻頭汗僧如紇干雀面
色凍梨爛豆腐作清譚堂頭起親喚披曳破衲衣拂拭素木案
指點下方景邀我鑽窗看危構出鳥背略吐淩紫漢決背接鷓
鴻側身聆鷓鳴帛湖琉璃鋪渚宮金碧燦觚稜馭輝複道卿
雲縵柳色帶昆明晴光轉鵲觀更復縱遠目萬瓦起煙爨漁村
擲網佃虎園樹柵扞射苑接毬場隱約松篁幹洪崖笑拍肩窅
堵波齊骭置身閩峯巔秩領丹霞冠雙眸給不暇耳竅笙竽亂
伏流涌山椒噴薄璣琲璨水樂鳴錚鏦冷然解煩曠綆汲菩薩
泉鑪炙金剛炭匏尊借取嘗奚啻醍醐灌甘冽沁詩脾參寥增
詠歎僧言時沍寒裏足少攀玩遨頭盛嬉遊聽鷓客魚貫環村
絳桃蒸十里綺霞幔何事避秦人洞口扁舟絆而我樂無事腰

笏任樗散行當攜蠻榼粹脚染新翰吾師肯結鄰買山我不憚
題松垞五弟疏柳鳴蜩小幘

清陰羃屨板橋西流水棲鴉舊夢迷冶葉倡條饒豔思禪心莫
學絮沾泥

依稀山店酒壚邊踈地柔絲帶暮蟬筆絡藤纏煙幾縷西天蛇
勢法誰傳

廿八日雪效黃涪翁體

石梅老僊黃初平九天煮石飄瓊英荆玉終輸卞和璞吳縣細
擘兜羅輕乃心貞白照四裔遇圓成璧誇連城臥袁訪戴總高
致爲霖仁待蘇蒼生

雪中聽雨樓小集招家雪晴二兄可齋六弟投詩屬和

以誌雅集

墟篔雅集勝雷陳淨影通櫳夜斂塵擘絮風輕綠徑積爬沙韻
急到窗真潤調梅鼎羹湯雋暖助辛盤菜甲春洛下歸來見三
白龍門留賞屬誰人

聽雨樓卽席再疊前韻

園丁噤凍劂茵陳闕閑休歌甌釜塵心印史家推宋豔手追書
斷澗羊真楸枰細譜桃花格蒼壁團烹石銚春玉局風流千載
續聚星高詠屬吾人

雪後書齋卽事

海牛壓簾風色靜六根漸復同熏聞雪晴虛白生戶牖阿買近
知書八分

春夜不寐有憶

閒居三月意徬徨投劾歸來鬢染霜洛下蒼生還系念夢中疑

獄慎推詳

余近學黃山谷詩有勸余毋效其體者賦此示意

宏休札閱笑深文瓦缶黃鐘響自分不須老嫗盡能解後世豈無揚子雲

郝隆腹餽矜暴書三紙無驢博士疏白魚駟脯羊頭臠風味原殊土飯俱

余自洛下歸客有獎予之清况者賦此誌慨

待詔承明領秩清買田陽羨計難成浚儀齋馬誇寒畯范式封魚希令名時復中之愧元老難爲下矣陋齊嬰織蒲儉致尼山誚掃地衣污半矯情

童萼君大理槐過訪不值

雪晴泥滑滯雙輪衝淖相過感故人閉影敢希宏景逸詣人須

識子猷貧竹光洗淥宜排闥罄葉吹香好結鄰急掃風軒出家
釀細參黃蘗說根塵

陳荔峯學士

嵩慶

招集寓齋席閒送陳香谷中丞

桂生

還武林

句吳轉漕聽津鼓不分聯袂泛綠醪齋壁舊圖煙墨黯雪樓暗
望酒星高散官氣味梅花冷漫士聲名椽栗韜菌子驚雷桃漲
膩早商烏榜下江皋

張船山太史

問陶

病中詩有上賓惟債主清課是醫書

之句戲和其韻

侈口今多悔虛名好識除蟻浮官法酒蚓屈上清書金盡奴爭
去身閒客浸疏草堂還可讀莫負竹鐙初

題金閶競渡圖

樓指盤閭六往還一鍼瘦塔認寒山
琴音聲闐千櫺底可有敲
詩似我聞

葛指揮

陸梓

惠酒一甌

長鬣扛壺肩頰擔鶩黃破殼啓新筠
雪寒關鬲宜溫潤莫作平原老督郵

得吳中嚴芷衫書知昨冬寄函未到賦此答之

草閣新春接芳訊洪喬客臘悵空函
羈懷慕似尋巢燕宦味慵於上箔蠶
案閣楞嚴常誦籠緘遠志漫鉤探處宗
賴有投膠誼銀燭油窗抱膝談

偕宋星浦孝廉曼陀花舍夜坐仍疊前韻

頤光煙壑慕蘇耽半幅精廬舍利函
我相自觀蕉樹葉世緣誰脫繭
絲蠶玲瓏鑲子苔牆挂紫峭芒鞋
雪竇探竹淨松喬同味

雨松竹靜能知雨

味見妙法蓮華

瓦簞佛火照清談

出廣甯門送客坐三藐庵

風楊縹碧擲鶯梭
送郡頻年小刹過
臘尾雪蘆迴候雁
原頭芳草健明駝
吾人敢負千金諾
和尚行傳一鉢歌
只有盧龍掃空翠
冷光雙峙鬱嵯峨

曼陀花舍夜坐和可盦

羅縉大布意安便
斂水同參淨土緣
豆火光分心印澈
竹濤響并梵音圓
屣提熱惱傳三乘
韓子辛勤築一塵
奚必捫蘿上方住
趺跏學得在家禪

韜華館攜兒女輩夜話

冷卿風味洽幽便
祿隱能酬石墨緣
荆布妻孥曼米貴
青紅兒女話
鐙圓拂檐蕉雪張
圖畫潑乳茶甌
近市塵筍蕨堆盤
甘晚

食錯疑周顛欲逃禪

邀宋星浦孝廉下榻澹園話舊用東坡粲字韻詩作二

首贈之并邀其同年梅伯言孝廉

曾亮同作

鑿齒居襄陽宣武笑人半介子事散儒嘗聞棄觚歎挾策成均
遊屏除爵馬玩磨蠍纏命宮賓彥晨星散挂帆下吳頭頓失趨
府伴賃廡宣南坊開庠學柳且鑽研故紙護佔畢日摩案帽脰
江東雲心旌千繭亂偃蹇青山青首蓬嬾櫛臨鵬六月息且
作大絃緩豈期朋簪盍錢散驚眼買蒙茸疊巾箱長鬚意不便
後來居上賓禮賢宛積炭陳榻淨埽除重開竹里館鮭菜充庖
陳霜菊戀瓶暖搏沙聚有因執裾一笑粲

行年三十九毫臺已強半功名上竹鮎徒成仰屋歎法曹困簿
書惟刑敢狎玩奉 召領鵷班舊雨風籟散雞窗宋處宗來作

黃昏伴問字識侯芭侈談每達旦風泉瀾茶鎗寒藥瑩雪案斧
藻羣言精掃葉散帙亂餘勇藝堪游卑棲道自盟蘭契相需殷
頗怪來何緩射策貢王庭楊葉一矢貫仁看奪錦標先登眾應
便融融趨熱士得門陋挾炭休嗟苜蓿盤聊廁金張館衣染柳
夢徵鞭捎杏園暖泥金耀吳趨獲雉欽盧粲

聽綠山莊卽目

夢繞江南碌碡村草芽青換去年痕苔荒古巷稀人迹好倩春
風靜埽門

曲渚芹芽紫玉攢活東聚處激清湍馬頭山店春微透際瘁桃
花鎖嫩寒

瘦策閒拖趁意行偶逢田父話歸耕柳條慣作鷺兒色斜蘸東
風雨易生

礎瘠奮鋤亦有秋自牽瓜蔓種西疇邵平甘向青門隱多事行人識舊侯

五日午門坐班

御街春雨浥輕埃闔闔天門際曉開窺宮鴉聽鐘起蹕跚寶象戴餅來禮嚴繇最鷓班肅坐傍犀渠雁序排如此清班真不忝松梢鷓鷯共徘徊

初六日出宣武門過法源寺用黃涪翁春遊韻

輕燕尾涎涎畫梁如舊識高林黃栗留求友哢聲力闌闌實喧闐招提賞清寂柅車衝輦紅迤邐巷紆隔經臺娑羅陰繡壁辟荔色紗籠窺前題檀越豈生客粥魚鳴僧廊返轡促臧獲堂堂歲月過賦閒此瘦策

聽綠山莊柴門晚眺

鹿眼籬環數畝宮春風小礎落茶叢寫情大可張琴薦投告何
勞置斲筒性懶詣人常速客鬢無衰白已稱翁花村畢竟饒晴
望社燕噙將杏藥紅

閉戶閒居庭前桃已作花

不知許事且重肉閉戶著書風幔斜懸炭衡輕知候暖小桃霞
影屋山花

片時靜坐齋漫興

萬事不理問伯始寓物能齊希老莊弦直時違儕夏雪簷青世
溺炙秋陽婆娑風月追庾亮雒誦龕鐙想遂良聞道靜然堪補
病笑他躁擾蟹將糍

聽綠山莊春眺用張太史

問陶

清明攜酒遊釣魚臺看

桃花韻

樊學從吾好園丁約往還桑稀竊脂喜雨足桔槔閒野卉媚籬
眼睛嵐堆笑顏老坡貧笠屐圖出小屏山
身退由構散西疇不厭過遠畦流水漫稚柳得春多小酌翦芽
韭深堂翳蔦蘿煙汀一牀驚靜伴睡成魔

偕可盦出西直門循長河過極樂萬壽五塔諸寺看花
晚歸飯於衍法寺紹暉長老方丈仍疊前韻

滑笏春波膩鴟夷載酒還壽徵惟樂靜福量是蕭閒淨淥洗巢
耳蔦紅如舜顏屢顛緣足蹇漫笑魯人山

野寺長松裏支筇得得過煙鐘渡溪緩翠上樓多禪味廚燒
筍山情屋補蘿鶯花防破定趺坐待祛魔

馮柳東庶常

登府

自禾中寄書賦此寄懷兼邀北上

海虞摩句鬪詩筒虛約遊梁說寓公柳埭聽鷓雙屐雨梅梁吹

雪半帆風聲華里閉貧猶籍詞賦江關老益工莫厭承明戀漁
釣花甄辜負影初紅

十三日偕沈豐橋助教

學誠

遊棗花寺看牡丹值吳蘭

雪中翰

嵩梁

李鳳岡太守

威

花下立談晚歸得句

相攜茶具過城隈富貴花宜冷處開上品華鬘圖寶相莊嚴香
海見樓臺十年書劍羈吳質半偈衣珠對辯才遲日春明傳韻
事嘉招長帽說詩來

盧溝橋

髡柳春隄密桃花野漲狂峯尖削馬耳沙亂擁車箱蒼鶯憐羣
賈明駝帶渴羌橋闌石獅子應笑往來忙

晚過良鄉縣

盧龍晴翠抱城虛瘦轍千盤夕照餘仙塔香雲枯衲守將壇開

地老兵鋤時清客免驚桴鼓歲稔民多逐釣魚寂歷花村靜無
嗾幽風圖裏駐轡車

常陽村廢寺

佛頭靜對遠山明渠溜縈紆碧玉橫風柳兩株應識我曩時
縹馬聽秋聲

自葺草堂題

甘向茅茨老此才一牀閒鷺漫驚猜教僮淨掃黃泥壁準備
香野客來
尖頭苔屋任敲斜柳掩茆柴處士家至竟憂時心尙熱蘆簾影
裏話桑麻

庭中桃花月下盛開

霞影攙煙穠且織珠光的皦映冰奩只添翠羽啾啾喚錯認寒

香索笑檐

聞鶯

雕蟲原小技鉛槧笑功深不及金衣使清聲動上林

出阜城門遊蔡公村永安禪寺

細路迟迟半緯蕭瘦藤閒策叩經窠靜聆竹吹團香雨寒激松
幢走怒潮螺髻翠凝盤野色鴈巢影重壓枯條貂璫捨宅苔碑
記惆悵丹霞木佛燒寺創於前明嘉靖四十四年闍人蔡玠今碑尚屹立寺半傾圮矣

邀可盃出郭和黃涪翁偕弟船場探春韻

嬉春無伴擬提鷗菱尾杯傾興未闌相值湖橋貪野話黏天絮
雪不知寒

祓禊琴川動隔年錫籥暖入聽鶯天慣沿郊銑清狂例肯放愁

縈綠

家居和黃涪翁過家韻

治粟領都尉東南資餽運桃笙暖未遑浪說長安近入洛竊爽
鳩厥職胡克盡承明趨舊廬杞菊被脩畛青門學種瓜屏迹到
媼親勲庸水引畫浮雲付鼻晒河北尙瘡痍殷憂顛顛鬢豨膏
澀方穿微焯鬪人陣不如食蛤蚧消長待潮信顏駟榮桑榆陳
奇顯齧齧魚目恥暗投珠光矧徑寸

自葺景鴻草堂圃前雜植蔬菜晚步遣興仍疊前韻

生涯鼠搬糞家具一車運望望柴桑村心遠地實近桑柘槐柳
榆蓊鬱綠無盡棹聲搗搗然連筒灌渠畛閉影請學樊鴉鋤老
圃親賦閒安仁才解嘲子雲晒白眉豔夙譽今忽換髭鬢波稜
及秋腴霜天雁橫陣寒鐙細翦摘黍約期宿信晚食足當肉鬆
脍蔓齒齏瓦盆羹糝熟葱白斷成寸

清明掃墓和黃涪翁上冢韻

十年居外臺瞻望白雲隴得歸駸高邱桐梓盈把拱
萱闥喜康強稱壽雜箭奉陟岵什悲哦念慈心隱痛筮仕當壯年未緇
血氣勇側聞汲黯戇物議騰沸洵小人有母在名節邱山重在醜夷不爭豈侈五鼎供

清明後一日偕松垞可盦西郊看花晚過覺生寺可盦

和東坡上巳出遊韻屬余同作緣圃中種菜不暇步

韻走筆酬之

雨立松人髯叟蒼觚尊圓笠共相將僧衣照水方鷗白佛面當
門勝柳黃具足練禪喘下乘

見金史
世宗記

清森茗具試頭綱詩聲擅

響齊腰鼓遜爾詞壇樹幟強

餅中桃花和樊榭韻

研北穠猗透無言勝倚闌折枝摹院本散瓣浴春寒餅隱窺香
密窗深下蝶難敲斜好儀樣繡滿禿襟看

有約探春以內子抱恙不果往賦此寄謝

雲天瑋瑋溼鳴鳩衝雨思尋舊竹樓爭奈藥鑪須自理嘉招辜
負辭春遊

味雨草堂漫題二律

白竹扉肩少客搗帛槌茶磨自成家下帷靜養疏慵性分撥閒
培淺淡花泥溼杏梁增燕壘雨昏苔壁繡魚叉野人不羨侯鯖
美旋摘春畦煮蕨芽

春雨連宵霰霖滋教僮上屋補茆茨瓦壺泉淪朋遺茗板壁漿
黏自作詩簾額英飄賣錫候井眉苔暈灌園時三生修到安閒
福此樂樵漁倘未知

新葺景鴻草堂

敢云無地起樓臺不學南山頃豆栽
春雨花間雙破屋招邀鷗侶說詩來

籬疏漸可牽瓜蔓牆短居然酒可賒
不羨連雲排戟第瓦壺鐙檠愛田家

崇效寺遇吳蘭雪話舊

十年不見驚衰白邂逅名藍證夙緣
賸有詞雄傳萬口拌爲詩瘦聳雙肩
嘯歌蘭樹人如玉狂拜梅花老益顛
閒卻鳳池揮翰手長明鐙下叩初禪

同懷弟法良校刊

男崇福謹校重刊